





915302—
—915331 III

Mag. St. Dr.








945310
III

R. P. D.
CORTADA
Cracovien. Decimarum.

Veneris 6. Martii 1750.

I  T maximo occurreret incommodo populorum Villam Vloftovvice incolentium promananti tum ex satis longo itinere ad Parochialem Ecclesiam Jaroslyn, tum præcipuè ex tumescentibus hyberno tempore aquis Fluminis Vistulae memoratam Villam à Parochiali intersecantis Ordinarius Cracoviensis usus facultatibus sibi tributis *in cap. Ad audientiam de Eccles. edific. & à Concil. Trident. sess. 21. cap. 4. de Reformat.* Anno 1676. veterem Parochialem di-

smenbravit, novamque constituit in memorata Villa Vvlo-
stovvice, cui addixit etiam conterminas Villam Parchatkaa,
Skovvieszyn, Putavvy, & Vvolka Prosecka, in ejusque do-
tem adsignavit non solum proprietatem trium Agrorum Ku-
czhovvski, Jahobovvski, & Cichoniovvski in hunc finem do-
natorum à Principe Lubomirski, sed etiam Cmethonales De-
cimas penderi solitas ex ipsis, aliisque Agris Cmethonalibus
sitis in Villa Vvolska Profetka, & Decimas prædiales perci-
piendas ex Villis Vvlostovvice, Putavvy, ac Gornec Vinarii.
Prædiales autem Decimæ in Diœcesi Cracovien. nuncupan-
tur, quæ ex Agris Nobilium, Cmethonales verò, quæ ex
Agris Cmethonum, idest Rusticorum pensitantur; quemad-
modum hanc diversam Decimarum nomenclationem expli-
cans firmavit *Rota in Cracovien. Decimarum 10. Junii 1748.*
§. 3. coram R.P.D. Buffo.

2 Primus contra memoratam Decimarum assignationem reclama-
vit Parochus Ecclesiæ Komoka Vvola, obtinuitque per De-
cretum Nuntiaturæ emanatum 19. Januarii 1680. eam revo-
cari quoad Decimas Putavvy, & Gorne Vinarii quippe quæ ad
suam, non ad veterem dismembratam Parochiam pertine-
bant. Subindè verò cum similem actionem rescissoriam in-
stauraturum esset Ven. Monasterium S. Crucis in Monte Cal-
vo, ad quod spectabant Cmethonales Decimæ solvi solitæ ex
Villis Vvolvvlostovvice, Skovvieszin, & Parchovvatka, seu
Parchatka, & signantèr ex tribus Agris Kuczhovvski, Jak-
obovvski, & Cichoniovvski, quæ itidè in Decreto dismem-
brationis legebantur novæ Parochiæ attributæ; tunc tempo-
ris Rector non modò ab iis exigendis se abstinuit, sed ad fu-
giandas inutilis litigii expensas, solemnem edidit declaratio-
nem anno 1680., qua fassus fuit Cmethonales Decimas spe-
ctare ad Monasterium S. Crucis, sponditque se illas im-
posterum soluturum ex memoratis tribus Agris Cmethonalibus
à sua Parochia possessis; eandemque declarationem repetiit
anno 1719. modernus Parochus, qui cum subindè in expro-
missa Decimarum solutione cessaverit, Ven. Monasterium,
ipsum in jus vocavit coram Ordinario Cracoviensi, apud
quem Parochus per viam reconventionis proposuit instantiam
repetitionis Decimarum illiusque pacificè perceptarum à Ven.
Monasterio ex sex aliis Agris Koloycka, Szlama, Zbrza,
Kobilarza, Podkoleyka, Novinki in suæ Parochiæ Districu
existentibus.

3 At Ordinarius sicuti manutentionem concessit Monasterio in
exactione Decimarum trium Agrorum Jakobovvski, Kuczho-
vvski, & Cichoniovvski tamquam Cmethonalium, ita vicif-
sim ipsum damnavit ad restituendas Decimas, uno excepto
Agro Podlesia, ex quinque reliquis Agris superius descriptis,
ex quo censuit ipsos non esse Cmethonales, nec proindè
Cmethonales esse Decimas ex ipsis præstari solitas, sed præ-
dia-

30.
diales, uti patet ex Decreto edito 2. Decembris 1743. confirmato 20. Septembris 1745., quæ gemina Decreta ad unguem comprobata fuerunt per Sententiam in gradu appellationis ab Auditore Nuntiaturæ prolatam: Hæc tamen unacum præcedentibus Decretis in gradu ulterioris appellationis revocata fuit per Judicem Delegatum, qui verſa vice cenſuit Monasterium manutenendum in poſſeſſione exigendi Decimas ex ſex Agris Salama, Zborza, Novvinski, Koleyka, Kobilarska, Podkoleyka, quos cenſuit Cmethonales, & abſolvendum Parochum ab ulteriori penſitatione Decimarum Agrorum Kuczkovvski, Jakobovvski, Cichonievvski, exiſtimans eos quamvis natura ſua Cmethonales liberos evaſiſſe poſtquam in dotale manſum novæ Parochialis anno 1676. fuerant conſtituti, à qua Sententia cum iterum fuerit ad noſtrum Sacrum Tribunal provocatum, in vim directæ mihi commiſſionis hodiè propoſui Dub. = An, & cui, & ex quibus Agris debeantur Decimæ in caſu &c. = & in contumaciam Parochi jura ſua producere negligentis, licet pluriès moniti, pro Ven. Monasterio Informante reſcriptum fuit.

4 Quamvis enim Parocho Decimas ſibi addicenti ex omnibus Bonis intra Parochiæ ſua limites exiſtentibus faveat Sac. Canonum cenſura relata in cap. Cum contingat, cap. Tua nos, & tot. tit. de Decim.; Tamen cum Ven. Monasterium legitima ediderit documenta ipſi attribuentia Cmethonales Decimas ex controverſis Agris perſolvendas, obſtare ipſi non poteſt allegata Juris determinatio, quæ tantæ virtutis non eſt, ut excludere valeat particularem Decimatorem legitimo titulo ſuffultum. Barboſ. de Paroch. part. prima cap. 28. num. 44., Rot. in Recen. deciſ. 458. num. 15. part. 5., deciſ. 716. num. 7. part. 11., deciſ. 315. num. primo part. 12., deciſ. 749. num. 1. part. 18., & coram Falconer. deciſ. prima num. 17. tit. de Decim., & in Cracovien. Decimarum 10. Junii 1748. §. 4. coram R. P. D. meo Buſſo.

5 Vix autem ambigi poſſe videtur de Jure Ven. Monasterio uti particulari Decimatori competente; Cum enim non impugnetur exiſtentia ſupra recenſitorum Agrorum Cmethonalium in Villis Vvloſtovvice Skovviefzyn, & Parchovatka, ſeu Parchatka, cumque Jus manipulares Decimas exigendi ex omnibus Agris Cmethonalibus in præfatis Villis exiſtentibus diſſertis verbis tributum legatur Ven. Monasterio in Libro Beneficiorum Dioceſis Cracoviensis, qui perantiquus eſt, omniaque præſert quam diligentiffimè deſcripta cujuſque Beneficii Jura, adeòt apud Polonos Legi foundationis æquipolleat, profeſſò dubitare non licet, quin comprobata per tam authenticum Documentum Decimarum pertinentia, legitima ſit, pleneque concluda Rota coram Emerix Jun. deciſ. 1264. num. primo, coram Bich. deciſ. 442. num. primo, coram Caprar. deciſ. 536. num. 5., & in Recent. deciſ. 574.

num. 5. , *decis.* 749. num. 3. part. 18. tom. 2. , *decis.* 48. num. 2. part. 19. tom. 2. , & in Cracovien. Decimarum super Bono Jure 26. Junii 1747. §. 3. coram R. P. D. Clemente , & in Cracovien. Decimarum 27. Junii 1749. coram R. P. D. meo Canilliac .

6 Eoque magis dùm adscripta Ven. Monasterio Decimarum Cmethonalium pertinentia tribuitur legitimo titulo donationis , qua , ut liber ipse habet , in Ven. Monasterium erigendum , hasce Decimas transtulit Ordinarius Cracoviensis , cui cum etiam post sequutam Parochiarum divisionem competat , & reervata præsumatur certa Decimarum quota *cap. Conquerente* 16. §. Nos autem de *Offic. Ordinar.* , *cap. Dudum* 31. de *Decim.* Rota *decis.* 519. num. 2. coram Ludov. §. , *decis.* 247. num. primo coram Cavalcr. , *decis.* 350. num. 7. part. 12. , *decis.* 180. num. 5. part. 15. *Recent.* , & in Tricaricen. Decimarum 10. Decembris 1736. §. Quamvis coram Eminentissimo Crescentio , & in S. Severina Decimarum 12. Januarii 1748. §. 3. coram R. P. D. meo Bussio . Consequitur , ut Monasterio per talem donationem in locum , & jura Ordinarii subingresso nequeat objici generalis illa præsumptio favens Parocho uti universali Decimatori Rot. *decis.* 193. part. prima num. 5. , *decis.* 316. num. 17. part. 11. , *decis.* 315. num. primo part. 12. , *decis.* 749. num. primo part. 18. *Recent.* , omnemque tandem submovent difficultatem amplissima Summorum Pontificum , & Regum privilegia , quibus cum us Ven. Monasterii confirmetur , & comprobetur ad formam descriptionis in Libro Beneficiorum insertæ , nullo modo controversi potest Decimarum pertinentia ex Libro sic comprobato constituta Dec. *conf.* 341. num. 7. , Rot. *decis.* 222. num. 10. part. 7. *Recent.* , & coram Bich. *decis.* 261. num. 10. , coram Ansaldo. *decis.* 36. num. 14.

7 Quin relevet , quod in sæpius memorato Beneficiorum libro jus Monasterii arctetur ad Manipulares Decimas exigendas solum ex Agris Cmethonalibus , quales non probentur Agri , ex quibus Decimas Monasterium sibi addicit . Distinctum namque de singulis agendo , & primò de tribus Agris Kuczkovvski , Cickoniovvski , & Jakobovvski , horum Cmethonalis qualitas non solum admittitur in præcedentibus Sententiis favore Parochi evulgatis , & admittitur ab ipsis Testibus inductis per Parochum , contra quem quamvis essent unici plenam constituerent probationem *Adden. ad Ludov. decis.* 215. num. 9. , Rota *decis.* 214. num. 18. coram Bich. , *decis.* 1. num. 18. coram Falconer. tit. de *Sponsalib.* , & in *Recent. dec.* 208. num. 13. part. 17. Sed insuper memorati Agri tamquam Cmethonales describuntur in decreto dismembrationis , & constitutionis novæ Parochiæ , necnon adsignationis Dotis , quod cum fuerit à Parocho productum , ipsique adhæreat uti præcipuo suæ intentionis fundamento , licere eidem nullo modo potest descri-

scriptam in illo Agrorum qualitatem impugnare *Rot. dec. 758. n. 6. cor. Dunoz. jun. , decis. 317. num. 4. , & 5. coram Celso , decis. 155. num. 15. coram Ansaldo.*

8 Constabilita qualitate Cmethonali recensitorum Agrorum , & consecrarium Jus Ven. Monasterii exigendi ex illis manipulares Decimas , haud recte contendere potest tale Jus evanuisse statim ac novae Parochiali fuerunt memorati tres Agri donatis & in dotem destinati in Decreto edito anno 1676. Praeterquamquod enim huic Juris imminutioni adversatur dispositio Sac. Canonum determinantium , ut novae Parochiae per dismembrationem constitutae Dos comparetur ex proventibus ad Ecclesiam Matricem , non vero ad alias spectantibus *Cap. ad audientiam de Eccles. aedific. , Concil. Trident. sess. 21. cap. 4. de Reform. , & ibidem Barbos. num. 15. , Lambertin. de Jurepatr. lib. primo part. prima quest. 7. artic. 2. num. 7. , Fagnan. in cap. ad Audientiam num. 57.*

9 Ulterius nullum per objectam assignationem praedictum fuisse Ven. Monasterio irrogatum ad evidentiam comprobat solennis declaratio , qua tunc temporis Rector , & subinde etiam hodiernus Parochus anno 1719. insubsistentem agnoscens peractam Decimarum Cmethonali assignationem , jus Monasterii firmum , immotumque manere confessus fuit , spoponditque se Decimas ex illis agris soluturum , haec autem sollemnis tum Antecessoris , tum & praecipue hodierni Rectoris declaratio , probationem probatam constituit contra Parocum declarantem , ut in puncto firmavit *Rot. decis. 197. num. 10. coram Herrer. , decis. 315. num. 5. part. 12. Recen. , & in Tricaricen. Decimarum super liquidatione 16. Julii 1749. §. 3. , & 4. coram R.P.D. meo Migazzi.* Eoque etiam fortius dum contra Parocum Reum conventum gemina prodierunt Decreta anno 1718. , & 1723. in Curia Cracoviensi , quibus ipse neglecta hac ipsa tunc promota exceptione Tituli ex Decreto dismembrationis profluentis , fuit ad pensandas Decimas damnatus ; haec autem decreta cum jam pridem transiverint in Judicatum , efficiunt , ne valeat iterum Parochus semel rejectum titulum obtrudere ad controversandam Decimarum pertinentiam jam in illis Ven. Monasterio tributam *leg. Res judicata ff. de Regul. jur. , cap. subortu de Re-judic. , Rot. decis. 49. num. 15. tit. de Fideicom. coram Falconer. decis. 163. num. primo , & decis. 526. num. 8. coram Molines , & in Tricaricen. Decimarum super Liquidatione 16. Julii 1749. §. 6. coram R.P.D. Migazzi.*

10 His ita constitutis quoad tres primos Agros , bonum jus Monasterii clarius elucescere videtur quoad reliquos sex Agros , ex quibus Parochus in Judicium vocatus per viam reconventionis Decimas sibi debitas propugnavit ; videlicet Szlamka , Koleyka , Zbarza Kobilaska , Novvinki , & Podkoleyka ; Primi enim tres Agri existunt in Districtu Villarum Patchatka,

tka, & Zbendovvice; tres verò reliqui in Villa Vvlostavvice, quibus in Villis jus Decimas percipiendi ex Agris Cmethonalibus indubiè spectat ad Ven. Monasterium in Monte Calvo juxta adnotationem existentem in sæpius memorato libro Beneficiorum; quod verò hi omnes Agri sint reipsa Cmethonales, hoc est possideantur à Rusticis, vix contraverti potest; Tales enim in primis eos deprehendit Judex Commissarius in Judiciali Accessu; hæc autem ocularis Judicis inspectio tam diligentè expleta per se etiam legitimam constituit hujusce qualitatis probationem *Posth. de Manut. observ. 110. num. 5.*, *Rot. coram Gregor. decis. 575. num. 6.*, *coram Molin. decis. 741. num. 18.*, *coram Lancet. decis. 1308. num. 17.*, *in Asculana Aquarum super bono jure 6. Junii 1732. §. Præfata coram clar. mem. Card. Calcagnino*, & *in Romana Fabricæ 28. Martii 1748. §. 3. coram Eminentissimo Millino*.

11 Deindè de hac ipsa Agrorum omnium qualitate univocè depouunt complures Testes formitèr examinati, qui cum easdem vel conterminas Villas incolant, proindèque locorum situs, ac pertinentias optimè calleant omnimodam sibi merentur fidem *Mascard. de probat. conclus. 484. num. primo*, *Monet. de Decim. cap. 4. num. 79.*, *Zaul. ad Statut. Favent. lib. 3. Rubric. 37. num. 18.*, *Sperel. decis. 178. num. 17.*, *de Comit. decis. Florent. 81. num. 12.*, *Rota coram Coccin. decis. 460. num. 2.*, *coram Emerix jun. decis. 1077. num. 8.*, & *in Rec. decis. 33. num. 3. part. 4. tom. primo*. Præsertim verò dùm hanc ipsam qualitatem Cmethonalem controversis Agris attribuunt Testes ab ipso Parocho inducti, contra quem probatam constituunt probationem per *Text. in leg. Si quis Testibus Cod. de Testib.*, *Rot. coram Cerro decis. 838. num. 10.*, *coram Caprar. decis. 367. num. 8.*, & *in Recent. decis. 9. num. 14. part. 5.*

12 Superaccedit tandèm antiquissima observantia comprobata tum ex Codicibus rationalibus, & pervetustis Regestris Ven. Monasterii, tum & præcipuè ex complurium Testium depositionibus, ac ex ipsamet confessione Parochi, ultro fatentis, Decimas ex controversis Agris semper fuisse à Monasterio perceptas; hæc autem tam diuturna, & constans observantia, sumpta in linea interpretativa mirum in modum suadet tales re ipsa esse Agros, quales eos effinxit successivi temporis usus *Rota coram Lancetta decis. 625. num. 15.*, *coram Ansald. decis. 476. num. 28.*, & *in Recent. decis. 749. num. 2. dec. 574. num. 9. part. 18.*, & *in Pampilonen. Beneficii de Haurte 12. Junii 1741. §. 12. coram bon. mem. Peralta*.

13 Quinimò cum hæc observantia eo usque protendatur, ut nec ab antiqua Matrice, nec ab erecta nova Parochiali probetur, Decimas ex recensitis Agris unquam fuisse perceptas, prodest illa Ven. Monasterio in linea etiam præsumptiva cujuscumque

32 4

melioris tituli, & multo magis in linea præscriptiva, quoniam hæc tamquam subnixa Titulo saltèm colorato desumpto ex memorato Libro Beneficiorum per solum quadragenarium annorum lapsum plenam obtinuit firmitatem *Rebus. de Decim. quæst. 13. num. 15. , Rota decis. 842. num. 1. , & decis. 1404. num. 3. coram Sepraph. , decis. 203. num. 1. part. 5. Rec. , coram Molin. decis. 415. num. 6.*
Et ita alteratantum &c.

ROMÆ, MDCCL.
Ex Typographia Reverendæ Cameræ Apostolicæ.

Superiorum permissu.

B 6008 5



